

ՄԱՏԵՆԱԳՐԱԿԱՆ

ԼՈՒՍԻՆԷ ՍԱՐԳՍԵԱՆ

*Երեւանի Մեսրոպ Մաշտոցի անուան
Մատենադարանի կրտսեր գիտաշխատող:
Երեւանի Պետական Համալսարանի Հայ
արուեստի պատմութեան եւ տեսութեան
ամբիոնի դասախօս*

ԵՍԱՅԻ ՄԱՐԳԱՐԷԻ ՏԵՍԻԼՔԸ ՄԱՆՐԱՆԿԱՐԻՉ ԱԻԱԳԻ ԱՐՈՒԵՍՏՈՒՄ

14-րդ դարի հայ մանրանկարիչ Աւագի նկարազարդած մատեանների շարքում իր ուրույն տեղն ունի 1338 թ. Աստուածաշունչը (ՄՄՀ¹ 4429)¹, որն Սուլթանիէյում ընդօրինակել է Մխիթար Անեցին (թ. 55թ, 148թ, 149ա, 184թ), իսկ Աւագ սարկաւազը՝ նկարազարդել (թ. 148թ, 149ա): Ինչպէս ձեռագրի սկզբում եւ վերջում, այնպէս էլ արանքներում կան բազմաթիւ թափուած էջեր² (պրակահաշիւը եւ բնագրի համեմատութիւնը ցոյց են տալիս, որ բացակայում են նոյնիսկ ամբողջական պրակներ): Գրչութեան ժամանակի յիշատակարանի մեծ մասը տպագրուել է³, իսկ հետագայի յիշատակարանները դեռ անտիպ են⁴:

¹ Մատեանի արտաքին յատկանիշների եւ բովանդակութեան համառոտ նկարագրութիւնը տե՛ս Յուզակ ձեռագրաց Մաշտոցի անուան Մատենադարանի, հատոր Ա., կազմեցին՝ **Եգանեան Օ., Զեյթունեան Ա., Անթաքեան Փ.**, ներածութիւնը՝ Եգանեան Օ., խմբագրութեամբ՝ Լ. Խաչիկեանի, Ա. Մնացականեանի, Երեւան, Հայկական ՍՍՌ գիտութիւնների ակադեմիայի հրատարակչութիւն, 1965, էջ 1212, **Աճէմեան Շ.**, Յուզակ Աստուածաշունչ մատեանի հայերէն ձեռագիրներուն, Լիզպոն, Գալուստ Կիլպէնկեան հաստատութիւն, 1992, էջ 129-131:

² Օրինակ՝ 161 եւ 162 թերթերի միջեւ, պէտք է որ թափուած էջ կամ էջեր լինեն, քանի որ Մատթէոսի աւետարանի նախադրութիւնից յետոյ Աւետարանի «///Կոչեա զանուն նորա Յիսուս...» բնագիրն է (թ. 162ա), իսկ սկիզբը չկայ, հետեւաբար, Մատթէոս աւետարանի դիմանկարը եւ անուանաթերթը ներկայացնող էջերը եւս կորսուած են: Մարկոսի աւետարանը եւս պակասաւոր է, քանի որ բնագիրը աւարտուում է ժՁ. 3 գլխի բովանդակութեամբ (թ. 200բ), ապա Դուկասի աւետարանի անուանաթերթն է (թ. 201ա): Ուրեմն, 200 եւ 201 թերթերի միջեւ կան թափուած թերթեր, որոնցից մէկում էլ ամենայն հաւանականութեամբ պատկերուած է եղել Դուկաս աւետարանիչը:

³ **Յովսէփեան Գ.**, Մխիթար Անեցի գրիչ եւ նկարիչ (գործակցութեամբ Գլաձորի նկարիչ Աւագ դպրի), «Հասկ» հայագիտական տարեգիրք, Ա տարի, Անթիլիաս-Լիբանան, տպարան Կաթողիկոսութեան Կիլիկիոյ, 1948, էջ 207, **Խաչիկեան Լ.**, Ժ. Դարի հայերէն ձեռագրերի յիշատակարաններ, Երեւան, Հայկական ՍՍՌ Գիտութիւնների ակադեմիայի հրատարակչութիւն, 1950, էջ 307-312, **Գէորգեան Ա.**, Հայ մանրանկարիչներ. Մատենագիտութիւն (IX-XIX դդ.), տպագրութիւն Գահիրէ, 1998, էջ 74:

⁴ Հաշուի առնելով յիշատակարանների կարեւոր նշանակութիւնը ձեռագրի ոչ միայն գրչութեան հանգամանքների, այլեւ հետագայ հակատագրի վերաբերեալ՝ աւելորդ չենք համարում ներկայացնել անտիպ տողերը: Գրչութեան ժամանակի յիշատակարան՝ «Ձտկարս մարմնով եւ զմեռեալս հոգով, որ ցաւոտ անձամբ եւ տրտում սրտիւ ծրեցի, աղաչեմ յիշման արժանի առնել» (թ. 20բ), «Յետ իմոյ վայելիւղք, զանարժան ծառայս, զՄխիթար, ի բարի մտաց մի՛ մոռանեք, աղաչեմ» (թ. 55թ), «Ձանիմաստ ծրողս. մի՛ մոռանար, աղաչեմ» (թ. 75թ), «Ով վայելիւղք սուրբ գրոցս, զտառապեալ եւ զմեղաւք մեռեալ ոգիս, զանարհեստ փծուն ծրող գրոյս, ի բարի մտաց մի՛ մոռանեք» (թ. 123թ), «Անհամ (անմիտ) բաներ յիմար մտաց» (թ. 148թ, հիմնական յիշատակարանի խորագիրն է), «Ձտառապեալ եւ զմեղօք մեռեալ ոգիս, աղաչեմ յիշել

Այժմ անդրադառնանք մատեանի նկարազարդմանը, որն անաւարտ է⁵, ինչի պատճառով էլ մի շարք թերթեր դատարկ են մնացել⁶: Եղած պատկերներն էլ նկարիչը չի հասցրել գունաւորել. ուրուանկարներն արուած են կարմիր կամ բաց դարչնագոյն թանաքով եւ կարծես թէ արճճէ մատիտով (Գ. Յովսէփեանը գրում է կապար⁷, որը նոյն արճիճն է): Ամբողջ էջով ներկայացուած մանրանկարների շարքում Եսայի (թ. 22բ, նկար 1) եւ Եզեկիել (թ. 93բ) մարգարէների տեսիլքներն են⁸, որոնց հանդիպակաց էջերում համապատասխան բնագրերի նկարազարդ տիտղոսաթերթերն են (թ. 23ա, նկար 2, 94ա): Եսայու մարգարէութեան բնագրի տիտղոսաթերթում և գլխատառը ձեւաւորուած է Եսայի մարգարէի ամբողջ հասակով կանգնած դիմանկարով՝ գլխին լուսապսակ, աջով օրհնելիս, իսկ ձախում մագաղաթէ բաց գալարը պահելիս: Գլխատառն աւարտուում է վիշապի գլխով: Եզեկիելի մարգարէութեան բնագրի տիտղոսաթերթի վերին մասը յարգարուած է կենտրոնում սրածայր բազմակամար կիսախորանով եւ Ե մարգարէի, թռչնագիր ու կենդանագիր գլխատառով: Երեմիայի մարգարէութեան տիտղոսաթերթը (թ. 124ա) ձեւաւորուած է ճակատազարդով, որի կենտրոնում Երեմիա մարգարէն է՝ լուսապսակը գլխին, ձախում մագաղաթէ գալարը պահելիս, աջը պարզած դէպի երկնքում երեւացող Աստծոյ աջը:

Հին Կտակարանի թեմաներով հայերէն ձեռագիր Աստուածաշունչ մատեանը նկարազարդելու աւանդոյթը սկիզբ է առել 13-րդ դարում⁹: 14-րդ դարում Աստուածաշունչ մատեանի գեղարուեստական յարգարանքը մի կողմից շարունակում է նախորդ դարաշրջանի աւանդոյթը, միւս կողմից հարստացնում այդ նկարազարդումները նոր մանրամասներով: Աւագ Ծաղկողի արուեստը զարգացման այս շրջանում ունի իր ուրոյն տեղը: Շարունակելով նկարազարդման արդէն ձեւաւորուած աւանդոյթը¹⁰

յայտնի վայրի» (թ.151ա), «Զտառապեալ եւ զմեղօք մեռեալ ոգիս՝ զՄիխիթար, մի՛ մոռանեք» (թ.184բ), «Ով դասք լուսերամից եւ պատուական սուրբ ընթերցողք, յիշեսչիք ի մաքրափայլ յաղօթա ձեր, զհոգեւոր եղբայրն մեր՝ զՄիխիթար ս[ար]կ[աւազ], եւ զիս զմեղուցեալ գծողս» (թ. 270ա): Հետագայի յիշատակաւն՝ «Ես՝ անարժան տէր Թումայ» (թ. 20բ), «Ես գրեցի տէրամ[մ]բ, ով [ո]ր կարդայ, մի բերան [ո]ղ[որմ]ի» ասէ ի տէր/// (մէկ բառ, թ. 87բ), «Ես՝ Սարգիս եպիսկոպոս» (թ. 149բ), «Ես՝ Սարգիս Մոնթս, Թիֆլիս քաղկումն կարդում էի, Սէվայ (գուցէ Սեւանայ) առաջնորդ Մեսրոպ վարդապետն եկավ քաղաքն նվիրակ Աստուածածնին սարկավաքի իշխանութիւնն երեստ մինչեւ սուրբ Ակոբայ թաթայիսումն սարկավաք կացայ, ետոյ գնաց Սանայհին, օրնշաքաթ հայբեղայ աւրեւաց, հետն տարաւ քաղաքն, քառասունքն քաղկումն կատարեցի: Ետ գաս ասունք կատարելոյն մինչեւ Մեծ Պասն կա՛ց: Մեծ Պասն առաջին չորէքշաքաթ օրն Բարս եպիսկոպոսն առ Աստուած փոխվեցաւ: Զիս հետն տարաւ Սանահին կարքն կատարեց: Յետ կարք կատարելոյն գնաց քաղաքն, մինչեւ Համբարցումն ինձ կշտին պահեց: Համբարցմանէն յետ///» (շարունակուած, թ.151բ), «Թվին Ռ.Ճ.Խ.է.» (1698 թ., թ.156բ): Հետագայի յիշատակաւանի ընթերցման գործում մեզ օգնելու համար շնորհակալութիւն եմք յայտնում մեր գործընկեր արուեստաբան, ձեռագրագետ Դաւիթ Ղազարեանին:

⁵ Ըստ Գ. Յովսէփեանի՝ դրա պատճառը կարող էր լինել Աւագի զբաղումը Օրբելեաններից ստացած պատուերների պատճառով, տե՛ս **Յովսէփեան Գ.**, նշում աշխ., էջ 207:

⁶ Օրինակ՝ Եսեքիոսի թուրք Կարպիանոսին (150բ-151ա), համաբարբառի ութը խորանները (152բ, 153ա, 154բ, 155ա, 156բ, 157ա, 158բ, 159ա) ներկայացնող թերթերը, իսկ 249ա եւ 320ա թերթերում նակատազարդերի սոսկ կարմիր շրջանակն է արուած:

⁷ Նոյն տեղում, էջ 206:

⁸ Եզեկիել մարգարէի տեսիլքը պատկերող մանրանկարի մասին տե՛ս **Vardanyan E.**, Voir Dieu: L'iconographie Arménienne de la Vision du Trone d'Ezéchiél dans le contexte de l'art de l'Orient chrétien, in "The Armenian Apocalyptic Tradition, A Comparative Perspectives", Essays Presented in Honor of Professor Robert W. Thomson on the Occasion of His Eightieth Birthday, ed. by Bardakjian K., and La Porta S., Leiden: Brill, 2014, pp. 585-7, fig. 6.

⁹ **Տէր-Ներսէսեան Ս.**, Երզնկայի 1269 թ. Աստուածաշունչը, Երուս. Թիւ 1925, «Էջմիածին» հանդէս, պաշտօնական ամսագիր հայրապետական աթոռոյ Ս. Էջմիածնի, ԺԱ.-ԺԲ., Էջմիածին, 1966, էջ 28:

¹⁰ Այստեղ առանձնանում է Երզնկայի 1269 թուականի Աստուածաշունչը, որտեղ նկարազարդումներն աւելի շատ են: Մանրամասն տե՛ս նոյն տեղում, էջ 28-39:

(սովորաբար Հին Կտակարանի գրքերի բնագրերի սկիզբը կիսախորանով կամ ճակատազարդով եւ լուսանցազարդով ու գլխատառով յարգարելը, դրանց առանձին հեղինակների դիմանկարների պատկերումը եւ այլն)՝ ի յայտ են գալիս այնպիսի մանրամասներ, որոնք բնորոշ են արդէն 14-րդ դարի Աստուածաշունչ մատեաններին, օրինակ՝ արարչագործութեան եւ մեղսագործութեան տեսարանների պատկերումը Ծննդոց Գրքի սկզբում¹¹: Ընդհանրութիւններին զուգահեռ Աւագ Ծաղկողի արուեստում հանդիպում են այնպիսի մանրամասներ, որոնք նախընթաց եւ համաժամանակեայ հայերէն այլ Աստուածաշնչերից մեզ առայժմ յայտնի չեն: Դրանցից մէկը Եսայի մարգարէի տեսիլքը պատկերող մանրանկարն է, որի ուսումնասիրութեանն էլ նուիրուած է այս աշխատանքը:

Եսայի մարգարէի տեսիլքը պատկերող մանրանկարը յաջորդում է Եսայու մարգարէութեան նախադրութեանը եւ նախորդում է մարգարէութեան «Լուր, երկին, եւ ունկնդիր, երկիր, զի Տէր խօսեցաւ...» բնագրին: Յօրինուածքի վերին գօտում պատկերուած է Սուրբ Երրորդութիւնը՝ գահին բազմած, քառամաս շրջանակի մէջ, որից ճառագայթներ են արձակում (Ես. Դ. 2, 5): Շրջանակից դուրս երկու վեցաթեւ սերովբէներ են: Նրանք ձեռքերում պահում են մէկական քշոց, որոնցից աջին գրուած է. «Ս[ուր]բ, ս[ուր]բ, ս[ուր]բ՝ Տէր Զօ//[րութեանց]» (Ես. 2. 3): Սուրբ Երրորդութեան գահը շրջապատուած է քառակերպով, որի թեւաւոր չորս խորհրդանշները՝ մարդը եւ առիւծը աջից, իսկ արծիւը եւ եզը ձախից են պատկերուած (Յայտն. Դ. 7, եզեկ. Ա. 10): Խորհրդանշներից իւրաքանչիւրը պատկերուած է համապատասխան Աւետարանով: Նման պատկերագրութիւն նկարիչը կիրառել է նաեւ Ահեղ դատաստանում՝ Քրիստոսի Երկրորդ գալստի տեսարանում (ՄՄ 7650, թ. 26բ, ՄՄ 212, թ. 80ա), որտեղ, սակայն, քառակերպի չորս խորհրդանշներն առանց թեւերի են¹²:

Յօրինուածքի յաջորդ գօտում Եսայի մարգարէն է՝ կանգնած եւ ոչ թէ ծնկաշոք, ձախ ձեռքին բաց գալարակը պահելիս, իսկ աջը պարզած դէպի իր կողմը թռչող վեցաթեւ սերովբէն: Վերջինիս առաքելութիւնը Եսայու մեղքերը մաքրագործելն է. «Ի ձեռին իւրում ունէր կայծակն¹³, զօր առեալ ունելեօք ի սեղանոյ անտի, եբեր մերձեցոյց ի բերան իմ, եւ ասէ. ահաւաղիկ մերձեցաւ այդ ի շրթումս քո, եւ հանցէ զանօրէնութիւնս քո, եւ զմեղս քո սրբեցէ ի քեզ» (Ես. 2. 6-7):

Եսայի մարգարէի տեսիլքից մի դրուագ պատկերուած է Տաւուշի մարզում գտնուող Կիրանց վանքի գլխաւոր եկեղեցու թմբուկի հարաւ-արեւմտեան մասի որմնանկարներում (13-րդ դար), որտեղ Եսայու մաքրագործման դրուագն է՝ ներկայացուած սերովբէի եւ նրա առջեւ ծնկաշոք Եսայու պատկերով: Ն. Թիերին եւ Լ. Դուռնովոն այս եկեղեցու որմնանկարների վերաբերեալ ուշագրաւ ուսումնասիրութիւններ ունեն¹⁴:

¹¹ Մանրանկարիչ Աւագն այս թեմաները պատկերել է Վեմ. Հ^մ 935 Աստուածաշնչում (մօտ 1341-1355 թուականների միջեւ):

¹² Այս մանրանկարների մասին մանրամասն տե՛ս Sargsyan L., The Scene of the Last Judgement in the Art of Armenian Miniaturist Avag (14th century), in International Review of Armenian Studies, edited by Kharatyan A., Yerevan, "Gitutyun" publishing house of NAS RA, 2018, n. 2, pp. 139-58.

¹³ Կայծակ = ածուխ վառեալ, բացատրութիւնը տե՛ս Աւետիքեան Գ., Սիւրմէլեան Խ., Ազեքեան Մ., Նոր Բազմիւրբ Հայկազեան Լեզուի, տպարանի Սրբոյն Դպարու, Վենետիկ, 1836, հ. 1, էջ 1045:

¹⁴ Thierry N., A Propos de l'Église de Kiranc', Rapport préliminaire, Bedi Kartlisa, Revue de Kartvélogie, Études Géorgiennes et Caucasiennes, v. XLI, Paris, 1983, p. 208, sch. 6, fig. 10, Дурново Л., Фрески монастыря Киранц, Материалы из архива Л. А. Дурново, подготовка материалов к изданию и предисловие Аракелян А., редактор Корхмазян Э., Ереван, Айастан, 1990, стр. 9. Ն. Թիերին Կիրանց եկեղեցու որմնանկարները շնորհիւ դրանց վրացերէն արձանագրութիւնների եւ պատկերագրական որոշ ընդհանրութիւնների, դիտարկում է վրացական արուեստի հետ զուգահեռներով, մինչդեռ արուեստաբան Լ. Դուռնովոն գնում է այն իբրեւ հայ-ֆաղկեդոնական յուշարձան:

Հետաքրքիր մի դրուագ էլ հանդիպում է նորավանքի Սբ. Ստեփանոս եկեղեցու գաւթի ճակատի Աստուածամօր եւ Մանկան պատկերաքանդակում, որի ստույգ թուագրութեան շուրջ տարբեր վարկածներ կան, բայց անվիճելի է, որ 14-րդ դարի առաջին կեսի ստեղծագործությունն է¹⁵: Պատկերաքանդակում ձախից Յովհաննէս Մկրտիչն է, իսկ աջից Եսայի մարգարէն՝ աջը պարզած դէպի Աստուածամայրը եւ Մանուկը, ձախով մագաղաթի բացուած գալարը պահելիս: Վերջինիս պատկերում մի հետաքրքիր մանրամասն կայ, որին հետազոտողներն առանձին ուշադրություն չեն դարձրել. Եսայի մարգարէի շուրթին հպուած է սուր եւ երկծայր վերջաւորութեամբ զարդանախշից առանձին շարունակուող մի «գործիք», որը հազիւ թէ զարդ կամ տառ լինի (ինչպէս ՁԱՅՆ բառի Ձ տառն է Յովհաննէս Մկրտչի գէմքին կից, բայց ոչ հպուած, կամ Ա տառի մասնիկը հպուած Աստուածամօր պարանոցին): Չի բացառուում, որ այս «գործիքը» խորհրդանշում է այն ունելին¹⁶, որի օգնութեամբ այրուող ածխի կտորը հպուած է Եսայու շուրթին եւ մաքրագործում նրա խօսքը, որից յետոյ էլ Եսային մարգարէական իր կանխատեսումն է անում: Վերջինից մի յատուած փորագրուած է մագաղաթագալարի վրայ՝ «ՀԱՅ ԿՈՅՍ. ԵՍԱՅԻ» («Ահայ Կոյսն յղացի եւ ծնցի որդի...», Ես. է. 14, տե՛ս նկար 3)¹⁷: Եսայու եւ Մանուկ Քրիստոսի ֆիգուրների արանքում պատկերուած մանր զարդանախշերի դաշտը հատում է կոր մի զարդամոթիւ, որն ասես առանձնացնի երկու կերպարանքներն իրարից՝ ընդգծելով գուցէ այն խորհուրդը, որ կատարուում է Եսայի մարգարէի հետ: Այս աշխատանքում մեր խնդիրը չէ այս պատկերաքանդակի սպառիչ ուսումնասիրությունը, հետագայում դրա ամբողջական եւ մանրակրկիտ ուսումնասիրությունը գուցէ հաստատի, կամ էլ ժխտի մեր ենթադրությունը:

Դժուար է ասել, արդեօ՞ք Աւագ Ծաղկողի արուեստում այս տեսարանի պատկերումն ազդեցություն է հայկական որմնանկարչությունից կամ քանդակագործությունից: Պարտադիր չէ ուղիղ կապ տեսնել վերոնշեալ օրինակների հետ (կարող էին լինել այլ օրինակներ, որոնք մեզ չեն հասել կամ դեռ յայտնի չեն), յատկապէս եթէ հաշուի առնենք, որ Աւագի մօտ տեսիլքի աւելի ընդգրկուն պատկերում է: Չի բացառուում նաեւ փոխազդեցությունն արեւելա-քրիստոնէական արուեստի հետ, որտեղ տեսարանը յաճախ է հանդիպում ինչպէս մանրանկարչութեան, այնպէս էլ որմնանկարչութեան մէջ¹⁸: Մանրանկարներում քաջ յայտնի հնագոյն օրինակներից է 9-րդ դարի «Կոսմա Հնդկանաւորդի քրիստոնէական տեղագրությունը» յունարէն ձեռագրի մանրանկարը (Վատ., Հ^մ 699, թ. 72բ)¹⁹: Որմնանկարչութեան մէջ վաղագոյն օրինակները յանդիպում են Կապադոկիայի եկեղեցիների խորանների որմնանկարներում եւ ըստ Ք. Ժողիվէ-Լեւիի՝ դրանք թուով ութն են, որոնցից առաւել հետաքրքիր օրինակը 9-10-րդ

¹⁵ Այս պատկերաքանդակի մասին գրականութիւնը բաւական ծաւալուն է, մենք յղում ենք վերջերս հրատարակուած ուսումնասիրութեանը, **Մատթէոսեան Կ.**, Նորավանքի վիմագրերը եւ յիշատակարանները, Երեւան, Մուլնի հրատարակչութիւն, 2017, էջ 57-61:

¹⁶ Նկարիչներն ու ֆանդակագործներն ունելին տարբեր կերպ են պատկերել, սուր եւ երկծայր վերջաւորութեամբ, ինչպէս ֆնելիֆ օրինակում է, ֆանդիպում է օրինակ Կապադոկիայի Սբ. Երեմիայի եկեղեցու որմնանկարում, գծապատկերը տե՛ս **Садовская Ю.**, Очищение уст пророка Исайи, Альфаи Омега, Ученые записки общества для распространения священного писания в России, No. 2 (24), Москва, 2000, стр. 323.

¹⁷ Արձանագրութեան ընթերցումը տե՛ս **Մատթէոսեան Կ.**, նշում աշխ., էջ 56, 110-2:

¹⁸ Օրինակ՝ Աթենքի Ազգ. Գրադ. Հ^մ 7 Սաղմոսարանի, Փարիզի Ազգ. գրադ. Հ^մ 1208 յունարէն ձառնութիւի կամ Աթոսի լեռան վրայ գտնուող Վատոպեղի վանքի Հ^մ 760 Սաղմոսարանի (թ. 280թ., 11-րդ դար), յունարէն մէկ այլ ձառնութիւի (Վատ., Հ^մ 1162, թ. 119թ., 1250 թ., Կ. Պոլիս) համաձուն մանրանկարները, տե՛ս **Садовская Ю.**, там же, стр. 322, նաեւ **Bucur B. G.**, Scripture re-envisioned, Christophanic exegesis and the making of a Christian Bible, in The Bible in Ancient Christianity, v. 13, general editor D. J. Bingham, Leiden, Boston: Brill, 2019, pp. 176, 178, 181, figs. 6.1, 6.3, 6.5.

¹⁹ Ձեռագրի ամբողջական լուսապատկէնը տե՛ս հետեւեալ յղմամբ՝ https://digi.vatlib.it/view/MSS_Vat.gr.699.

դդ. թուագրուող Սբ. Երեք Խաչերի եկեղեցու խորանի գմբեթարդի որմնանկարն է²⁰: Համեմատելի օրինակների հետ Աւագի մանրանկարը մերձենում է թեմայի պատկերազրույթեան ընդհանուր կառուցուածքով, քանի որ «տեսի զՏէր նստեալ յաթոռ բարձրութեան...» (Ես. 2. 1) ընթերցուածն այս օրինակներում հանդէս է գալիս միայն գահին բազմած Քրիստոսի կամ Հայր Աստծոյ միջոցով: Յովհաննէս աւետարանչի «զԱստուած ոչ ոք ետես երբեք» (Յովհ. Ա. 18.) ընթերցմանը հակասող Եսայու «Տեսի զՏէր» տեսիլքի տողերը (Ես. 2. 1) Սբ. Գրիգոր Տաթևացին մեկնում է այսպէս. «Չեն հակառակ միմեանց, զի ասելն զԱստուած ոչ ոք ետես, այսինքն՝ զէութիւն բնութեանն Աստուծոյ: Զի ոչ ոք ի յեղականացս տեսանել կարող է, զի տեսութիւն մարգարէիցն բովանդակելի է: Իսկ Աստուած անբովանդակելի է բնութեամբ: Բայց մարգարէս ետես, որքան կար է մարդոյ, այլ կերպարանաւ եւ նմանութեամբ: Ուստի յայտ է, զի ասէ. տեսի զՏէր նստեալ, զի Աստուծոյ ոչ է տեղի, զի անբովանդակելի է եւ ոչ ասի նստել նմա»²¹:

Մանրանկարիչ Աւագն Եսայու ընթերցուածը պատկերել է մարդու կերպարանքով եւ նմանութեամբ՝ Հայր Աստուած, Սուրբ Հոգի եւ Յիսուս Քրիստոս «Երրորդութիւնը»: Այս պատկերում Սուրբ Երրորդութեան խորհուրդն աներկբայ է, բաւական է յիշել հայկական մանրանկարներում քառակերպ գահին բազմած Քրիստոսի պատկերը Երկրորդ գալստի տեսարանում, որն ուղեկցում է Սուրբ Երրորդութեան մասին գրութիւններով²²: Հայր Աստուածը, Սուրբ Հոգին եւ Յիսուս Քրիստոսը կրում են խաչածեւ լուսապսակ: Հայր Աստծոյ չափերով անհամեմատ մեծ Աջը օրհնութեան դիրքով է, իսկ ձախ ձեռքը Քրիստոսին հպուելիս է պատկերուած: Նրանց երկուսի արանքում Սուրբ Հոգին է թեւատարած դիրքով, սակայն ոչ թէ դէպի վար, այլ դէպի վեր:

Սուրբ Երրորդութեան պատկերի առկայութիւնը Եսայի մարգարէի տեսիլքում կարելի է համարել Աւագ Ծաղկողի արուեստի առանձնայատկութիւններից մէկը, քանի որ նման պատկերում թէ՛ նախընթաց, թէ՛ համաժամանակեայ հայ արուեստի ստեղծագործութիւններում մեզ առայժմ չի հանդիպել²³: Փոխարէնը տեսնում ենք քրիստոնէական համաժամանակեայ այլ արուեստներում, օրինակ՝ բուլղարական 1360 թ. մի Սաղմոսարանում, որտեղ Եսայի եւ Եզեկիել մարգարէների տեսիլքներն են

²⁰ Յղում ենք հետեւեալ աշխատութեան միջնորդութեամբ՝ Садовская Ю., там же, стр. 323, գծապատկերը տե՛ս նոյնի՝ էջ 326: Կապաղովկեան որմնափոր եկեղեցիներից բացի այս թեման հանդիպում է Բիշ աւելի ուշ թուագրուող Եգիպտոսի ղպտական եկեղեցիների որմնանկարներում, օրինակ՝ Կարմիր ծովի մօտակայքում գտնուող Սբ. Անտոն Մեծի եկեղեցում, տե՛ս նոյնի՝ էջ 327-9:

²¹ Մէջբերում ենք հետեւեալ աշխատութիւնից՝ Ս. Գրիգոր Տաթևացի (1346-1409), «Մեկնութիւն մարգարէութեանն Եսայեայ», Հին Կտակարանի գրքերի մեկնութիւններ 15, աշխատասիրութեամբ Յակոբ Քեոսեանի, Ս. Էջմիածին, Մայր Աթոռ Սուրբ Էջմիածին հրատարակչութիւն, 2008, էջ 25: Սբ. Գրիգոր Տաթևացու գործունէութիւնը թելադ մի փոքր աւելի ուշ է, քան մեզ հետաքրքրող ժամանակաշրջանը, այդուհանդերձ, նրա մեկնութիւններին անդրադառնում ենք, քանի որ հեղինակը Եսայու մարգարէութիւնը մեկնելիս յենուել է անցեալի հեղինակների մեկնութիւնների վրայ, մասնատրապէս, Յովհան Ռոտմնեցու, տե՛ս նոյնի՝ էջ 8, 17:

²² Sargsyan L., The Scene of the Last Judgement ..., p. 141.

²³ Աւելի ուշ հայերէն ձեռագրերում (օրինակ՝ Մաղափա Պոլսեցու եւ Մարկոս Պատկերահանի 1686 թ. Աստուածաշնչի համանուն մանրանկարում, ՄՄՀ՝ 349,թ. 357թ), նաեւ հնատիպերում եւ նոյնիսկ կազմերում նման պատկերազրույթին կարծես թէ չենք տեսնում, օրինակ՝ 1666 թ. Ամատերդամում տպագրուած հայերէն առաջին Աստուածաշնչի, կամ 1691 թ. արծաթէ կազմի (Վենետիկ, Հ՝ 198) եւ Վենետիկի Հ՝ 2061 ձեռագրի կազմի Ա փեղկի համանուն պատկերներում: Վերջիններս, ըստ Ս. Մերիանի՝ կրում են հովանդական փորագրարուեստի ազդեցութիւնը, տե՛ս Merian S., The Armenian Silversmiths of Kesaria/Kayseri in the Sixteenth and Seventeenth centuries, in Armenian Kesaria/Kayseri and Cappadocia, edited by R. Hovhannisian, Costa Meza, California, Mazda publishers, 2013, pp. 135, 154, 158-9, fig. 5, 10, 11. Ըստ Ն. Ղարիպեանի եւ Ա. Սահակեանի՝ Ոսկան Երեւանցու Աստուածաշնչի փորագրապատկերի համար նախատիպ կարող էր ծառայել ֆրանկֆուրտեան 1564 թ. մի Աստուածաշնչի փայտափորագիր համանուն պատկերը, տե՛ս Ղարիպեան Ն., Սահակեան Ա., Ոսկանեան Աստուածաշնչի պատկերազրույթիւնը եւրոպական արուեստի զուգահեռներով, Երեւան, «Անտարես», 2018, էջ 137:

միասին պատկերուած եւ յօրինուածքի կենտրոնում Սուրբ Երրորդութիւնն է՝ գահին բազմած, քառակերպով շրջապատուած: Տարբերութիւնը մանրանկարիչ Աւագի պատկերած Սուրբ Երրորդութիւնից աղանակերպ Սուրբ Հոգու բացակայութիւնն է²⁴: Սովորաբար, Սուրբ Երրորդութեան պատկերներում ընդունուած է պատկերել Հայր Աստծուն, Յիսուս Քրիստոսին, ապա Սուրբ Հոգուն²⁵, թերեւս Աւագի օրինակի հետ աւելի մերձենում է Սարգիս Պիծակի 1338 թ. Աստուածաշնչի մանրանկարը, որը Ծննդոց Գրքի սկզբում է գետեղուած (ՄՄ Հ^մ 2627, թ. 2բ²⁶), սակայն ունի պատկերագրական որոշ տարբերութիւններ՝ պատկերուած է Հայր Աստուածը, Յիսուս Քրիստոսը եւ Սուրբ Հոգին: Կարծում ենք, որ Սուրբ Երրորդութեան այսպիսի պատկերումն Աւագ Ծաղկողի կողմից հետեւութիւն է Յովհաննէսի Աւետարանի այն տողից, որտեղ ասուած է. «զՀոգին նմարտութեան, որ ի Հօրէ ելանէ...» (ԺԵ. 26): Կարելի է ենթադրել, որ պատկերագրական այս շեղումն արուած է Աստուածայայտնութեան գաղափարը շեշտելու համար, որի ցայտուն դրսեւորումը Մկրտութեան տեսարանում է՝ երկնքից երեւացող Աստծոյ Աջի, վար իջնող աղանակերպ Սուրբ Հոգու եւ Յիսուս Քրիստոսի պատկերով Յորդանան գետում: Այստեղ հետաքրքիր իմաստաբանական աղբյւր կարելի է նկատել Ժամանակաշրջանով մեր քննելիք մանրանկարին մօտ եւ կրկին վայոցձորեան երկու այլ քանդակների հետ: Դրանք են՝ Նորավանքի Սբ. Ստեփանոս եկեղեցու գաւթի մուտքից վեր գտնուող լուսամուտը պսակող քանդակը եւ Սպիտակաւոր Սբ. Աստուածածին եկեղեցու գմբէթի ներսի քանդակը: Այս երկու քանդակներում կենտրոնական յօրինուածքում Հայր Աստծոյ, Սբ. Հոգու եւ Ադամի (գլխադիր) պատկերներն են: Ընդ որում, եթէ Նորավանքի քանդակում յօրինուածքը հարուստ է նաեւ այլ մանրամասներով, առաւել բարդ եւ ընդգրկուն խորհուրդ պարունակելով (ձախից խաչելութեան տեսարանը եւ այլն), ապա Սպիտակաւորի քանդակում այն աւելի մօտ է մեր մանրանկարին, քանի որ յօրինուածքը շրջապատուած է քառակերպով: Երկու քանդակներում էլ Սուրբ Երրորդութեան երեք անձերն են²⁷, ինչպէս նշում է Կ. Մատթէոսեանը՝ Քրիստոսի որպէս Նոր Ադամի հանդէս գալու իրողութեամբ²⁸:

Եսայու տեսիլքում Սուրբ Երրորդութեան խորհուրդը Բ. Բուքուրը բացատրում է «...եւ անա աբ երեբ կային ի վերոյ քան զնա...» ընթերցմամբ (Ծնունդք, ԺԸ. 2), որի միայն հայերէն բնագրով պահպանուած մեկնութիւնում Փիլոն Աղեքսանդրացին կամ Եբրայեցին գրում է. «ի վերայ երից արանցս այսոցիկ... որի միջոցին՝ «է»... եւ ի մէջ որոցն է՝ յայտնեաց, կոչեցեալ զնոսա քերովբէս, որոց զմին նուիրեալ եղեալ լինի արարչական զարուբեանն, եւ ասի յիրաւի «Աստուած», եւ միւսն իշխանականին եւ արքայականին «Տէր»... տեսանել զտէրունի եւ զսուրբ զաստուածային տեսիլն ըստ այնմ՝ որ մի երեսոյթն եւ ի նմա իբր երրորդութիւն, եւ երրորդութիւն իբր միութիւն»²⁹: Արեւելեան

²⁴ Մանրանկարի վերապոյթինը տե՛ս Bucur B. G., op.cit., p. 242, fig. 8.9.:

²⁵ Օրինակ՝ Սուրբ Երրորդութեան պատկերները 13-14-րդ դդ. Կիլիկեան ձեռագրերի՝ ՄՄՀ^մ 9422, p. 21ա, 249ա, ՄՄՀ^մ 7651, p. 10ա, Վիեն. Հ^մ 278, p. 14ա, Երուս. Հ^մ 2568, p. 250ա լուսանցապատկերներում, տե՛ս վերապոյթինները Der Nersessian S., Miniature painting in the Armenian Kingdom of Cilicia from Twelfth to the Fourteenth Century, jointly prepared for publication with Agemian S. with an Introduction by Weyl Carr A., V. II, Washington, D. C., Dumbarton Oaks research Library and Collection, 1993, figs. 430-2, 435-6.

²⁶ Գումատու վերապոյթինը տե՛ս Matevossian K., Vardanian E., La miniature Arménienne, Matenadaran, Album publié à l'occasion du XVIIe Sommet de la Francophonie à Erevan, imprimeur Tigran Mets, Erevan, 2018, p. 150.

²⁷ Thierry J.-M., Les Arts Arméniens, principaux sites Arméniens par Donabedian P., notices complètes par J.-M. et N. Thierry, Paris, édition Mazenod, 1987, p. 204, fig. 101.

²⁸ Մատթէոսեան Կ., նշում աշխ., էջ 54, 61, նկար 19, 24:

²⁹ Մէլքերում եմ հետեւեալ աշխատութիւնից՝ Տէրեան Ա., Նարեկեան մի քանի պատկերներ ու Փիլոնեան նախապատկերներ, Բանբեր Մատենադարանի, հ. 25, Երեւան, «Նաիրի», 2018, էջ 20-1, տե՛ս նաեւ Bucur B.

եկեղեցու հայրերից Գրիգոր Նազիազանցին Սուրբ Երրորդութեան խորհուրդը տեսնում է սերովբէների «Սուրբ, սուրբ, սուրբ...» բացականչության մէջ՝ իւրաքանչիւրն առանձին վերագրելով Սուրբ Երրորդութեան անձերին³⁰։ Եսայի մարգարէի տեսիլքում Սուրբ Երրորդութեան խորհրդանշական պատկերումը Հայր Աստծոյ կերպարով, տեսաբանները լրացնում են երկու սերովբէների առկայութեամբ՝ մեկնելով որպէս «հրեշտակակերպ» պատկերումներ Որդու եւ Սուրբ Հոգու³¹։ Մինչդեռ Աւագ Ծաղկողի մանրանկարում մենք տեսնում ենք Սուրբ Երրորդութեան պատկերումն առանց «այլաբանութիւնների»։

Եսայու տեսիլքի պատկերումն ամբողջանում է մարգարէի մաքրագործումը ներկայացնող մանրամասնով։ Եսայու կերպարը նկարիչը կրկնել է հանդիպակաց էջի գլխատառում. դիմագծերի, վարսերի յարդարանքի, հանդերձանքի նոյնութիւնը թոյլ են տալիս Աւագ Ծաղկողին տեսնել որպէս դիմանկարի արուեստի մէջ հմտացած ստեղծագործողի։ Մարգարէն հայեացքը յառել է դէպի իր կողմը սաւառնող սերովբէն, որը ունելին մօտեցրել է նրա շուրթերին ածխի կտորը հպելու համար։ Հին Կտակարանի այս դրուագը տեսաբանները համարում են Նոր Կտակարանի Հաղորդութեան նախապատկերում՝ յենուելով սուրբ գրային մեկնութիւնների, դրանց շուրջ ստեղծւած ճառերի եւ աղօթքների վրայ։ Նրանք ունելու նշանակութիւնը կապում են Հաղորդութեան գղալի հետ (օգտագործուել է բիւզանդական ծէսում հաղորդութեան ժամանակ³²)՝ ելնելով այն բանից, որ վերջինս անուանուել է նոյն բառով, ինչպէս որ ունելին՝ λαβίς³³։ Սակայն, ինչպէս գիտենք, հայ եկեղեցու աւանդոյթում Հաղորդութեան ժամանակ գղալի գործածութիւնը բացակայում է։ Աւելի համոզուելու համար, թէ ինչպէս է դրսեւորուել այդ աւանդոյթը պատկերագրութեան մէջ, դիտարկենք Հաղորդութեան մանրանկարներն Աւագի արուեստում։ 1329 թ. (ՄՄ Հ^մ 7650, թ. 21բ) եւ 1334 թ. (Երուս., Հ^մ 1941, թ. 6ա) աւետարանների, ապա 1356-8 թթ. Աստուածաշնչի (ՄՄ. Հ^մ 6230, թ. 442ա) եւ անթուակիր Նոր Կտակարանի (Բրիտ. գրադ. Հ^մ 5304, 65բ) Հաղորդութեան մանրանկարներում գղալը բացակայում է. Քրիստոսը մի ձեռքում պահում է Հաղորդութեան հացը, միւսում՝ զինու սկիհը։ Այս դէպքում կարծում ենք, որ Եսայու մաքրագործութեան դրուագը կարող է Հաղորդութեան հետ առնչուել մեղքերի թողութեան իմաստով, եւ ոչ թէ դրանում օգտագործուող «գործիքների» զուգահեռով։ Նոյն խորհուրդը տեսնելով երկու դրուագներում՝ կարող ենք ասել, որ ցոյց է տրուած Հին եւ Նոր Կտակարանների կապը, ինչը, ըստ արուեստաբան Լ. Զաքարեանի, հանդիսանում է Աւագ Ծաղկողի արուեստի իւրայատկութիւններից մէկը³⁴։

G., op. cit., pp. 165-6.

³⁰ Bucur B. G., op. cit., p. 171.

³¹ Ibid., p. 169.

³² Պարոնեան Զ., Հայոց պատարագի յատկանշական գծերը՝ համեմատուած քրիստոնէական միւս պատարագների հետ ընդհանրապէս, «Էջմիածին» հանդէս, պաշտօնական ամսագիր Հայրապետական Աթոռոյ Ս. Էջմիածնի, Էջմիածին, 1976, հ. 9., էջ 27:

³³ Ibid., pp. 185-6, Садовская Ю., там же, стр. 321-2.

³⁴ Զաքարեան Լ., Աւագ Ծաղկող, «Էջմիածին» հանդէս, պաշտօնական ամսագիր Հայրապետական Աթոռոյն Ս. Էջմիածնի, Էջմիածին, 1985, հ. է. էջ 51: Հեղինակն այս միտքը յայտնում է ՄՄՀ^մ 212 Աւետարանում Քրիստոսի ծննդաբանութեան (թ. 16բ-18ա), ապա Աստուածածնի ու Մանուկ Քրիստոսի պատկերների առնչութեամբ (թ. 19ա)։ Հին ու Նոր Կտակարանների կապը նկարիչը ցոյց է տուել նաեւ Դուկասի Աւետարանի պատկերումներում, մանրամասն տե՛ս Սարգսեան Լ., «Մարիամի եւ Եղիսաբէթի հանդիպումը» մանրանկարն Աւագ Ծաղկողի արուեստում. պատկերագրութիւնը եւ իմաստաբանութիւնը, «Երիտասարդ հայ արուեստաբանների գիտական իններորդ նստաշրջանի նիւթեր», Երեւան, ՀՀԳԱԱ «ԳիՏՈՒԹԻՒՆ» հրատարակչութիւն, 2015, էջ 94, նաեւ Sargsyan L., Illustrated Story of Jesus Christ and John the Baptist According to the Gospel of Luke (Armenian Miniature Art of 14th century), in Revue des Études Sud-Est Européennes, Tome LVI (no. 1-4), Bucharest, editura Academiei Romane, 2018, pp. 50-55.

Այս մատեանը վեն. Հ^մ 935 Աստուածաշնչի հետ միասին³⁵ առանձին արժէք է ներկայացնում մանրանկարիչ Աւագի նկարչական տեխնիկան ուսումնասիրելու համար, ինչպէս նշում է Գ. Յովսէփեանը՝ «տեխնիկայի կողմից ուսանելիք ունինք»³⁶: Այն ցոյց է տալիս ձեռագիրը նկարազարդելու փուլերի յաջորդականութիւնը՝ նախ մատիտով կամ թանաքով գծանկարելը, յետոյ գունաւորելը: Միեւնոյն ժամանակ այս պատկերները հնարաւորութիւն են ընձեռում բացայայտելու մեր մանրանկարչին որպէս գծանկարի հմուտ վարպետի: Գիծը նրա արուեստում այնքան սահուն է եւ յստակ, որ այդ ուրուանկարներն իրենց հմայքով չեն զիջում գունանկարներին: Աւագ Ծաղկողը մանրակրկիտ գծանկարել է իւրաքանչիւր դետալ՝ վարսերը, սերովբէների փետրաւոր թեւերը: Գծային ռիթմի շնորհիւ պատկերն ունի այն դինամիկան, որն Աւագի ոճի առանձնայատուկ յատկանիշներից է եւ գերազանցուած չէ միջնադարի հայ որեւէ այլ նկարչի կողմից:

Զբացառելով այն, որ գուցէ այլ պատկերներ եւս եղել են այս Աստուածաշնչում, Եսայու եւ Եզեկիելի տեսիլքների առկայութիւնը թոյլ է տալիս տեսնել հետեւեալ օրինաչափութիւնը. Հին Կտակարանեան թեմաներից մանրանկարիչը նախապատուութիւնը տուել է Աստուածյայտնութեան գաղափարը կրող թեմաներին (Նոր Կատակարանեան թեմաներում այս գաղափարը շարունակում է հետաքրքրել նկարչին Ահեղ Դատաստանի մանրանկարների օրինակով ՄՄ Հ^մ 7650 եւ ՄՄ Հ^մ 212 աւետարաններում): Աստուածյայտնութեան պատկերումն ըստ Եսայու, Եզեկիելի եւ Դանիելի տեսիլքների, ապա ըստ Յայտնութեան գրքի, ինչպէս նկատում են տեսաբանները, վաղ Քրիստոնէական ակունքներ ունի³⁷: Աստուածյայտնութիւնը Եսայու եւ Եզեկիելի տեսիլքների համադրմամբ տեսնում ենք Կապաղովկիայի Սբ. Երեք Խաչերի եկեղեցու Ս. Խորանի գմբէթարդում, նաեւ ուղղանկյուն արուեստում, օրինակ՝ Սուրբ Մարիա Էսթերի եկեղեցու որմնանկարն Անում (11-րդ դար, Կատալոնիա)³⁸:

Քանի որ ՄՄՀ^մ 4429 Աստուածաշնչից մի շարք էջեր թափուած են, չենք կարող այն դիտարկել որպէս ամբողջական նմուշ: Այդուհանդերձ այն, ինչ մեզ հասել է մատեանի Հին Կտակարանից, թոյլ է տալիս փաստել, որ Աւագ Ծաղկողը կիրառել է նկարազարդման մի նոր համակարգ, մասնաւորապէս Եսայի մարգարէի տեսիլքն ամբողջ էջով պատկերելը, որի զուգահեռն առայժմ չունենք նախընթաց եւ համաժամանակեայ հայերէն ձեռագիր Աստուածաշնչերում: Անկախ այն բանից, թէ ինչ նախօրինակ կարող էր օգտագործել մանրանկարիչը, ակնյայտ է, որ նա նորարար եւ աստուածաբանական խորը գիտելիքներով օժտուած ստեղծագործող է եղել:

ՁԵՌԱԳՐԵՐԻ ՀԱՒԱՔԱԾՈՒՆԵՐԻ ՅԱՊԱՌՈՒՄՆԵՐԻ ՑԱՆԿ

Աթենքի Ազգ. Գրադ. – Աթենքի Ազգային գրադարան, Աթենք, Յունաստան

Բրիտ. գրադ. – Բրիտանական գրադարան, Արեւելեան ձեռագրերի բաժին, Լոնտոն, Մեծ Բրիտանիա

Երուս. – Երուսաղէմի Սրբոց Յակոբեանց Վանքի Սուրբ Թէոդորոս ձեռագրատուն, Իսրայէլ

ՄՄ – Մատենադարան, Մեսրոպ Մաշտոցի անուան հին ձեռագրերի գիտահետազոտական ինստիտուտ, Երեւան, Հայաստան

³⁵ Այս Աստուածաշնչում մանրանկարիչը չի հասցրել գումատրել Նոր Կտակարանի մանրանկարները (թ. 539ա, 556ա, 567ա, 585ա):

³⁶ Յովսէփեան Գ., նշում աշխ., էջ 207:

³⁷ Садовская Ю., там же, стр.327, Vardanyan E., op. cit., pp. 574-5, refs. 5-7.

³⁸ Садовская Ю., там же, стр. 326, 328.

Այս մատեանը վեն. Հ^մ 935 Աստուածաշնչի հետ միասին³⁵ առանձին արժէք է ներկայացնում մանրանկարիչ Աւագի նկարչական տեխնիկան ուսումնասիրելու համար, ինչպէս նշում է Գ. Յովսէփեանը՝ «տեխնիկայի կողմից ուսանելիք ունինք»³⁶: Այն ցոյց է տալիս ձեռագիրը նկարազարդելու փուլերի յաջորդականութիւնը՝ նախ մատիտով կամ թանաքով գծանկարելը, յետոյ գունաւորելը: Միեւնոյն ժամանակ այս պատկերները հնարաւորութիւն են ընձեռում բացայայտելու մեր մանրանկարչին որպէս գծանկարի հմուտ վարպետի: Գիծը նրա արուեստում այնքան սահուն է եւ յստակ, որ այդ ուրուանկարներն իրենց հմայքով չեն զիջում գունանկարներին: Աւագ Ծաղկողը մանրակրկիտ գծանկարել է իւրաքանչիւր դետալ՝ վարսերը, սերովբէների փետրաւոր թեւերը: Գծային ռիթմի շնորհիւ պատկերն ունի այն դինամիկան, որն Աւագի ոճի առանձնայատուկ յատկանիշներից է եւ գերազանցուած չէ միջնադարի հայ որեւէ այլ նկարչի կողմից:

Զբացառելով այն, որ գուցէ այլ պատկերներ եւս եղել են այս Աստուածաշնչում, Եսայու եւ Եզեկիելի տեսիլքների առկայութիւնը թոյլ է տալիս տեսնել հետեւեալ օրինաչափութիւնը. Հին Կտակարանեան թեմաներից մանրանկարիչը նախապատուութիւնը տուել է Աստուածյայտնութեան գաղափարը կրող թեմաներին (Նոր Կտակարանեան թեմաներում այս գաղափարը շարունակում է հետաքրքրել նկարչին Ահեղ Դատաստանի մանրանկարների օրինակով ՄՄ Հ^մ 7650 եւ ՄՄ Հ^մ 212 աւետարաններում): Աստուածյայտնութեան պատկերումն ըստ Եսայու, Եզեկիելի եւ Դանիելի տեսիլքների, ապա ըստ Յայտնութեան գրքի, ինչպէս նկատում են տեսաբանները, վաղ Քրիստոնէական ակունքներ ունի³⁷: Աստուածյայտնութիւնը Եսայու եւ Եզեկիելի տեսիլքների համադրմամբ տեսնում ենք Կապաղովկիայի Սբ. Երեք Խաչերի եկեղեցու Ս. Խորանի գմբէթարդում, նաեւ ուղղանկյուն արուեստում, օրինակ՝ Սուրբ Մարիա Էսթերի եկեղեցու որմնանկարն Անում (11-րդ դար, Կատալոնիա)³⁸:

Քանի որ ՄՄՀ^մ 4429 Աստուածաշնչից մի շարք էջեր թափուած են, չենք կարող այն դիտարկել որպէս ամբողջական նմուշ: Այդուհանդերձ այն, ինչ մեզ հասել է մատեանի Հին Կտակարանից, թոյլ է տալիս փաստել, որ Աւագ Ծաղկողը կիրառել է նկարազարդման մի նոր համակարգ, մասնաւորապէս Եսայի մարգարէի տեսիլքն ամբողջ էջով պատկերելը, որի զուգահեռն առայժմ չունենք նախընթաց եւ համաժամանակեայ հայերէն ձեռագիր Աստուածաշնչերում: Անկախ այն բանից, թէ ինչ նախօրինակ կարող էր օգտագործել մանրանկարիչը, ակնյայտ է, որ նա նորարար եւ աստուածաբանական խորը գիտելիքներով օժտուած ստեղծագործող է եղել:

ՁԵՌԱԳՐԵՐԻ ՀԱՒԱՔԱԾՈՒՆԵՐԻ ՅԱՊԱՌՈՒՄՆԵՐԻ ՑԱՆԿ

Աթենքի Ազգ. Գրադ. – Աթենքի Ազգային գրադարան, Աթենք, Յունաստան

Բրիտ. գրադ. – Բրիտանական գրադարան, Արեւելեան ձեռագրերի բաժին, Լոնտոն, Մեծ Բրիտանիա

Երուս. – Երուսաղէմի Սրբոց Յակոբեանց Վանքի Սուրբ Թէոդորոս ձեռագրատուն, Իսրայէլ

ՄՄ – Մատենադարան, Մեսրոպ Մաշտոցի անուան հին ձեռագրերի գիտահետազոտական ինստիտուտ, Երեւան, Հայաստան

³⁵ Այս Աստուածաշնչում մանրանկարիչը չի հասցրել գումատրել Նոր Կտակարանի մանրանկարները (թ. 539ա, 556ա, 567ա, 585ա):

³⁶ Յովսէփեան Գ., նշում աշխ., էջ 207:

³⁷ Садовская Ю., там же, стр.327, Vardanyan E., op. cit., pp. 574-5, refs. 5-7.

³⁸ Садовская Ю., там же, стр. 326, 328.

Վատ. – Վատիկանի Առաքելական գրադարան, յունարէն ձեռագրերի բաժին, Վատիկան


Վեն. – Վենետիկի Մխիթարեան միաբանութեան մատենադարան, Իտալիա

Վիեն. – Վիեննայի Մխիթարեան միաբանութեան մատենադարան, Աւստրիա

Փարիզի Ազգ. Գրադ. – Փարիզի Ազգային գրադարան, Ֆրանսա



Նկար 1. Եսայի մարգարէի տեսիլքը, ՄՄ ՀմԻ 4429, ք. 22բ, 16.5x11.5 սմ.: Տպագրում է Մաշտոցեան Մատենադարանի թոյլտուութեամբ:



Նկար 2. Եսայի մարգարեության տիտղոսաբերը, ՄՄ Հմր 4429, ք. 23ա, 12x10 սմ.: Տպագրում է Մաշտոցեան Մատենադարանի թոյլտուրեամբ:



Նկար 3. Աստուածամայրը Մանուկ Քրիստոսի, Յովհաննէս Մկրտչի եւ Եսայի մարգարէի հետ (Նորավանքի Սբ. Ստեփանոս եկեղեցու գաւթի ճակատ, 14-րդ դարի առաջին կէս): Գծապատկերի հեղինակը վիմագրագէտ Արսէն Յարութիւնեանն է: Պատկերը տրամադրել է պատմական գիտութիւնների դոկտոր Կարեն Մաթէոսեանը: